



Broj: 01-622-1/25
Sarajevo, 27. 5. 2025. godine

Na osnovu člana 175. stav 2. Zakona o visokom obrazovanju Kantona Sarajevo („Službene novine Kantona Sarajevo“ broj: 36/22), člana 282. Statuta Univerziteta u Sarajevu, broj: 01-14-35-1/23 od 26. 7. 2023. godine i člana 7. stav 3. Pravilnika o ekvivalenciji ranije stečenih akademskih titula odnosno naučnih i stručnih zvanja na Univerzitetu u Sarajevu br. 01-14-88-1/20 od 24. 6. 2020. godine, na prijedlog Komisije za ekvivalenciju ranije stečenih titula odnosno naučnih i stručnih zvanja br. 01-622/25 od 22. 5. 2025. godine (u daljem tekstu: Komisija), Vijeće Univerziteta u Sarajevu-Pravnog fakulteta je na 85. sjednici, održanoj dana 27. 5. 2025. godine, donijelo *sljedeću*

ODLUKU
o izdavanju uvjerenja o ekvivalenciji
ranije stečenog zvanja

Ranije stečeno stručno zvanje „diplomirani pravnik“ kojeg je stekao podnositelj zahtjeva **Čović (Vahid) Senad** odgovara stručnom zvanju „Bakalauerat/Bachelor prava“ koje se vrednuje sa 240 ECTS bodova.

O b r a z l o ž e n j e

Čović (Vahid) Senad je dana 22. 5. 2025. godine podnio zahtjev za ekvivalenciju ranije stečenog stručnog zvanja na Pravnom fakultetu Univerziteta u Sarajevu (dalje: zahtjev). Uz zahtjev je priloženo: 1) Fotokopija diplome o završenom studiju za sticanje visoke stručne spreme na Pravnom fakultetu u Sarajevu br. 11660 od 1. 7. 2006. godine i 2) dokaz o izvršenoj uplati troškova postupka.

Nakon uvida u dostavljenu dokumentaciju i personalni dosije podnositelja zahtjeva, Komisija je u daljem dijelu Izvještaja navela relevantne činjenice vezane za: 1) pravila i nastavni plan i program studija u vrijeme studija 2) okvir na osnovu kojeg se vrši ekvivalencija stečenog stručnog zvanja podnositelja zahtjeva kao i važeće pozitivne propise u visokom obrazovanju povezivanjem ranijih i sadašnjih kvalifikacija nakon završetka odgovarajućeg nivoa visokog obrazovanja 3) kriteriji za ekvivalenciju.

U skladu sa naprijed navedenim Komisija je utvrdila *sljedeće*:

Relevantna pravila i nastavni plan i program studija je Nastavni plan i program Pravnog fakulteta Univerziteta u Sarajevu iz 1985. godine (dalje: NPP):

1. Okvir na osnovu kojeg se vrši ekvivalencija stečenog stručnog zvanja je:
 - a) Pravilnik o ekvivalenciji ranije stečenih akademskih titula odnosno naučnih i stručnih zvanja na Univerzitetu u Sarajevu od 24. 06. 2020. godine i
 - b) Osnovi kvalifikacionog okvira u BiH („Službeni glasnik BiH“, broj: 31/11).
2. Kriteriji za ekvivalenciju su nivoi obrazovanja i tipovi diplome stečeni u ranijem sistemu u BiH u oblasti visokog obrazovanja zasnovanom na stepenima stručne spreme: VI, VII, VII2, VIII i VIII i generički deskriptori kvalifikacijskih nivoa.



Komisija je i izvještaju navela da je Podnositelj zahtjeva **Čović (Vahid) Senad** je studij prava upisao u akademskoj 1996/1997. godini, a studij okončao dana 12. 12. 2005. godine čime je stekao stručni naziv "diplomirani pravnik". Studij je završen prema NPP iz 1985. godine, po kojem je studij prava bio organiziran na sljedeći način:

- ✓ I godina studija sedam predmeta, što se u postupku ekvivalencije vrednuje sa 60 ECTS bodova,
- ✓ II godina studija sedam predmeta, što se u postupku ekvivalencije vrednuje sa 60 ECTS bodova,
- ✓ III godina studija sedam predmeta, što se u postupku ekvivalencije vrednuje sa 60 ECTS bodova,
- ✓ IV godina studija osam predmeta, što se u postupku ekvivalencije vrednuje sa 60 ECTS bodova.

Također, Komisija je konstatirala da na osnovu navedenih relevantnih činjenica, podnositelj zahtjeva na osnovu stečenog stručnog zvanja "diplomirani pravnik" ima ekvivalent koji se vrednuje sa 240 ECTS bodova. Prema važećem Pravilniku o sticanju i korištenju akademskih titula, stručnih i naučnih zvanja na visokoškolskim ustanovama na području Kantona Sarajevo („Službene novine Kantona Sarajevo“, broj: 50/16) zvanje „Bakalauerat/Bachelor prava“ veže se za 240 ECTS bodova ostvarenih tokom I ciklusa studija.

Na osnovu relevantnih činjenica, Komisija je zaključila da se stečeno stručno zvanje „diplomirani pravnik“ kojeg je stekao podnositelj zahtjeva **Čović (Vahid) Senad**, ekvivalira sa 240 ECTS bodova i stručnim zvanjem „Bakalauerat/Bachelor prava“.

Sukladno članu 7 stavu (4) Pravilnika, Komisija predlaže Vijeću Univerziteta u Sarajevu - Pravnog fakulteta da donese **odluku o ekvivalenciji** ranije stečenog zvanja "diplomirani pravnik" sa stručnim zvanjem „Bakalauerat/Bachelor prava“.

Shodno naprijed navedenom donijeta je odluka kao u dispozitivu.

POUKA O PRAVNOM LIJEKU:

Protiv Odluke se može podnijeti prigovor Senatu Univerziteta u Sarajevu u roku od 15 dana od dana prijema, putem Univerziteta u Sarajevu - Pravnog fakulteta.

DEKANICA

Prof. dr. Zinka Grbo



Akt obradio: Haris Starhonić BA iur., sekretar Fakulteta

Akt odobrila: prof. dr. Zinka Grbo, dekanica Fakulteta

DOSTAVITI:

- Podnositelju zahtjeva
- Komisiji/arhiva



Broj: 01-629/25
Sarajevo, 27. 5. 2025. godine

Na osnovu člana 69. Zakona o visokom obrazovanju KS („Službene novine KS“, br. 36/22) i člana 111. Statuta Univerziteta u Sarajevu, broj: 01-14-35-1/23 od 26. 7. 2023. godine, Vijeće Univerziteta u Sarajevu – Pravnog fakulteta je, na 85. vanrednoj sjednici održanoj dana 27. 5. 2025. godine, donijelo sljedeću

ODLUKU

I

Univerzitet u Sarajevu - Pravni Fakultet pokreće postupak za dodjelu nagrada na osnovu javnog Konkursa za dodjelu federalnih nagrada za nauku za 2025. godinu, te istovremeno nominira sljedeće naučne radnike:

1. **Nagrada za životno djelo** - prof dr. Meliha Pvlakić
2. **Godišnja nagrada za nauku** - prof dr. Ehlimana Memišević.
3. **Godišnja nagrada za popularizaciju i promociju nauke** – prof. dr. Iza Razija Mešević.

II

Odluka sa pripadajućim materijalima propisanim javnim Konkursom će se putem Ministarstva za nauku dostaviti Federalnom ministarstvu obrazovanja i nauke na dalje postupanje.

III

Odluka stupa na snagu danom donošenja.

Obrazloženje


U cilju podrške razvoju naučno-istraživačke i istraživačko-razvojne djelatnosti u Federaciji BiH, dodatnog poticanja naučno-istraživačkog rada kroz promociju i sistem nagrađivanja, popularizacija naučno-istraživačkog i istraživačko-razvojnog rada, podrške u cilju povećanja vidljivosti naučnih radnika i istraživača na domaćem i međunarodnom planu, te jačanje pravnog, strateškog i finansijskog okvira za razvoj nauke u Federaciji BiH, Federalno ministarstvo obrazovanja i nauke objavilo je konkurs za dodjelu federalnih nagrada za nauku za 2025. godinu broj 05-35-1921-1/25 od 28. 4. 2025. godine.


Federalne nagrade za nauku u skladu sa raspisanim javnim konkursom su: nagrada za životno djelo, godišnja nagrada za nauku, godišnja nagrada za mlade istraživače i godišnja nagrada za popularizaciju i promociju nauke.

Obzirom da je navedenim Konkursom propisano da postupak za dodjelu nagrada može pokrenuti između ostalih i Univerzitet i njegove organizacione jedinice, donijeta je Odluka kao u dispozitivu.



DEKANICA


Prof. dr. Zinka Grbo



Akt obradio: Haris Starhonić, BA iur., sekretar Fakulteta

Akt odobrila: prof. dr. Zinka Grbo, dekanica Fakulteta

DOSTAVITI:

- Ministarstvo visokog obrazovanja, nauke i mladih KS
- Arhiva

Sekretar Univerziteta u Sarajevu-Pravnog fakulteta potvrđuje da je prijedlog Odluke u skladu sa zakonskim i podzakonskim propisima koji su na snazi, te da je Vijeće Univerziteta u Sarajevu-Pravnog fakulteta nadležno za donošenje odluke shodno članu 69. Zakona o visokom obrazovanju („Službene novine Kantona Sarajevo“, broj 36/22).